

Hish



Kot. Latop  
59947  
III Mag. St. Dr. P

Teol. 4011

Benedicti Papae XIV. Epistola encyclica ad  
Primaatem, Archiepiscopos et Episcopos  
Regni Poloniac, qua librum Patris la Nothe  
"Principes sui s<sup>i</sup> essence etc" damnat.



**B**  
*Ad*

**B**



gallie  
& A  
Ov  
idem  
mat



SANCTISSIMI DOMINI NOSTRI  
**B E N E D I C T I**  
 P A P Æ XIV.  
 EPISTOLA ENCYCLICA  
*Ad Primate[m], Archiepiscopos, & Episcopos*  
 REGNI POLONIAE.



59947 III



**BENEDICTUS PAPA XIV.**



**A**D assiduas, quibus angimur, curas, ut excitata a nonnullis hujus sæculi Filiis inter Sacerdotium & Imperium dissidia compe-  
 scantur, illud accessit sane permolestum, quod licet universalis nostræ Inquisitionis decreto die 5. Augusti anni 1753. edito, confixum damnatumque fuerit Opusculū gallicè editum hoc titulo: *Principes sur l'essence, la distinction & les limites des deux puissances spirituelle, & temporelle. Ouvrage posthume du Pere la Borde de l'Oratoire*; rursus tamen idem Opusculum prodiisse tam Gallico, quam Polonico idiomate impressum, lateque in Regionibus, ac Provinciis ve-

(1)

stris



stris per omnium manus pervagari nuper accepimus. Quod quidem vel ob solam ignorationem prælaudati Decreti contigisse arbitramur, vel quod satis explorata atque comperta Vobis non fuerint exitiosa ac perversa Dogmata, quæ in eo traduntur: alioquin dubitare vix possumus de Fraternitatum Vestrarum zelo, ac vigili studio, quo certè in Fidelium manus non incidisset, si oculos, iudiciumque vestrum antea subiisset. Eò enim tendere, ac collimare vidissetis execrandi foetus auctorem, ut collatam a Christo Domino & Salvatore nostro Ecclesiæ suæ potestatem, non solum dirigendi per consilia & suasiones, sed etiã jubendi per leges, ac devios, contumacesque exteriore iudicio, & salubribus poenis coercendi, atque cogendi, labefaceret, convellat, & prorsus eliminet; Ecclesiasticum ministerium ita seculari dominationi subiiciens, ut ad hanc spectare pronunciet, de externa omni ac sensibili gubernatione cognoscere ac iudicare. Præteritum vero a Joanne XXII. Prædecessore nostro Constitutione incipiente: *Licet juxta doctrinam*, reprobatur, ac pro hæretico expresse damnatum, fallacibus ratiunculis, fucatis atque ad Religionem compositis verbis, contortisque Scripturarum, ac Patrum testimoniis, impudens Scriptor obtrudit, quo simplicibus, & minus cautis facilius imponat. Rem tamen ipsam ad Religionis & Fidei regulas sedulo accurateque expendenti, facile occurrit principiorum falsitas, eorumque consecutionum absurditas; Auctoris demum a veritatis tramite longe aberrantis temeritas, qua propositiones obtrudit captiosas, & falsas, impias quoque & erroneas, alias damnatas, & hæreticas, Ecclesiæ vero maximè injurias, ejusque potestatis, jurium, & libertatis, quantum in ipsis est, prorsus everfivas. Quapropter ne latius serpat, in Ecclesiæ animarumque perniciem, pravi dogmatis corruptela, Nos, quibus sanæ doctrinæ custodia, & Sacerdotalis auctoritatis propugnatio præcipue demandata est, pro sollicita quam gerimus Ecclesiarum omnium, & Christifidelium cura, Vos maxime, Venerabiles Fratres, monitos hortatosque volumus, ut procul ab ovibus vestris exitialis hujusce doctrinæ pabulum arceatis. Quod ut nomine quoque nostro præstare valeatis,

fu-

supra  
vulgat  
reproba  
& usu  
& indi  
ipso fa  
à quoc  
pro te  
absolu  
ac pro  
dantes  
ria, fiv  
hábuer  
tenean  
tradita  
biles  
& Sac  
dentes  
raël, a  
oportet  
ficare,  
immi  
miscer  
Cred  
sermo  
pietat  
minu  
debit  
rim  
mini  
impe

Mar



supra descriptum Librum quocunque idiomate impressum, vulgatum, aut scriptum, sub enunciatis censuris rejicimus, reprobamus, damnamus; ejusque lectionem, retentionem, & usum, omnibus & singulis Christifidelibus, etiam specifica, & individua mentione dignis, sub pœna excommunicationis ipso facto absque alia declaratione incurrenda, a qua nemo à quoquam, præter quam a Nobis, seu a Romano Pontifice pro tempore existente, nisi in mortis articulo constitutus, absolutionis beneficium obtinere valeat, omnino interdiciamus ac prohibemus. Volentes, & Apostolica auctoritate mandantes, ut quicunque Librum prædictum aut ejus exemplaria, sive typis impressa, sive manu descripta, penes se aliqua habuerint, ea, statim ac præsentis litteræ ei innotuerint, teneantur tradere locorum Ordinariis, qui exemplaria sic tradita illico flammis aboleri curent. Vos itaque, Venerabiles Fratres, conjunctis nobiscum studiis, Pastoralis zelo, & Sacerdotali constantia, vigilate in custodiis vestris, ascendentes ex adverso, atque opposcentes murum pro Domo Israël, adversus vaniloquos, & seductores, docentes quæ non oportet, qui constitutos a Deo civilis potestatis fines amplificare, ac transilire moliantur; Ecclesiæ vero jura coarctare, imminuere, atque convellere student; & Divinis humana miscentes, Imperium & Sacerdotium seditiose committunt. Creditas vobis oves monete identidem, ut acquiescant sanis sermonibus Domini Nostri Jesu Christi, & ei, quæ secundum pietatem est, sanæ doctrinæ; non intendentes mandatis hominum avertentium se a veritate: reddant autem omnibus debita, quæ sunt Cæsaris Cæsari, quæ sunt Dei Deo. Interim Vobis, Venerabiles Fratres, ac universis Fidelibus regimini vestro subjectis, Apostolicam Benedictionem peramanter impertimur.

Datum Romæ apud Sanctam Mariam Majorem die IV. Martii MDCCLV. Pontificatus Nostri Anno XV.

R O M Æ, MDCCLV.

---

Ex Typographia Reverendæ Cameræ Apostolicæ.







Fragment of text from the adjacent page, visible on the left edge of the blue cover. The text is written in a historical script, likely Latin or Polish, and is partially obscured by the binding.



Biblioteka Jagiellońska



stdr0026199

X/X. 32



